



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus III. De renuntiatione bonorum tempore Novitiatus.

[urn:nbn:de:hbz:466:1-73045](#)

eventu juri , quod habet pro tunc ad eligendum.

- 2715 Aliqui tamen distinguunt inter jus eligendi, quod habet vel jure Collegii, de quo est , & consideratur tanquam pars ejus , vel speciali, puta ratiōne suę dignitatis, talis beneficii, aut alio simili titulo ; & in primo casu censem , non esse necessario vocandum , quando id facilē fieri non potest; quia sic per ipsum Collegium electio commode celebrari potest ; in secundo autem secūs ; quia revera etiam post ingressum Religionis, sed ante professionem , retinet omnia jura sibi competentia , nec eo absente exercitium talis actus ritē celebrari potest ; sic gloss. in dict. c. Beneficium. V. Conferendum; Sanch. cit. c. 4. n. 12. & alii.

- 2716 An autem , & qualiter Novitii gaudient privilegio fori, & canonis ? aut privilegiis suę Religionis , in cuius probatione versantur? alibi dictum est, & communiter affirmatur cum Castropolao tom. 3. D. I. p. II. ceterum duo adhuc quæri possunt ; an Novitii obligentur statutis Religionum , vel præceptis Superiorum : 2. an , sine justa causa, ex anno probationis à Religione dimitti possint inviti ? Ad 1. 12. non obligari directè , ac per se loquendo , nimis sub culpa naturali, seu conscientiæ ; obligari tamen ex decentia , & honestate; ita Suarez tom. 3. l. 5. c. 16. & ali ; ratio primæ partis est ; quia nondum sunt Religionis membra . nec etiam professi, vel ad ejus regulam obligati votο ipsos constitutive vera Religionis membra : ratio secundæ partis est , quia id exigit ratio eos convenientier gubernandi , & probandi ; unde ligantur saltem ad poenam à Superioribus decretam contra transgressionem eorum , qua illis ad peragendam Religionis probationem præscripta sunt.

- 2717 Dixi eos , per se loquendo non obligari naturaliter, & directè statutis earum Religionum , & præceptis Superiorum ; quod sic accipendum est, ut non excludatur obligatio etiam naturalis parendi præceptis impositis à Superiore Religionis , in quantum procedunt non à voto, sed à spirituali jurisdictione relatè ad omnes, qui sunt in tali domo, vel ordine regulari, quam diu ibi sunt ; qualiter Clericus, qui aec origine, nec domi-

cilio est dicēsanus hujus v. g. Episcopi, nihilominus subjicitur jurisdictioni ejus Ecclesiastice , ac spirituali, dum est in ejus diœcesi ; ita Suarez cit. c. 16. n. 18. Sanchez cit. c. 10 à n. II. & alii.

Ad 2. 12. negativè cum Suarez cit. 2718

l. 5. c. 11. n. 5. & aliis ; nam hoc pertinet ad justitiam distributivam , rectamque dispensationem ministeriorum spirituallium , & administrationem , ne digni & habiles, postquam ad Religionis probationem admissi sunt , ab ea , sine justa causa rejiciantur. Si dicas : ingrediens & probans Religionem liberè potest ab ea discedere ante vota, licet Religionem videat sibi congruentem ; ergo vicissim recipiens ad ingressum , & probationem Religionis libere potest ab ea illum dimittere , ante vota , licet videat illum Religioni congruentem ; 12. N. conseq. nam justitia distributiva non necessariò importat obligationem reciprocām ; dignus enim non tenetur recipere, quod alter vi sua administrationis, quantum est ex parte sua , servatā lege justæ distributionis, tenetur dare.

ARTICULUS III.

De renuntiatione bonorum tempore Novitiatuſ.

D Ehae quæst. extat specialis disposi- 2719
tio in Concilio Tridentino Ses. 25.
de Regularibus, cap. 16. nam postquam c. 15. dixisset, quod nullus ad professionem admitti debeat, qui in ore tempore , quam per annum , in probatione steterit; nec professio , ante annum etatis decimum sextum completum facta valeat , aut ullam obligationem pariat ; c. 16. subjungit : nulla quoq. renuntiatio , aut obligatio antea facta , etiam cum juramento , vel in favorem cuiuscunq. causa pie valeat , nisi cum licentia Episcopi, sive ejus Vicarii fiat intra duos mensis proximos ante professionem ; ac , non alias intelligatur effectum suum sortiri , nisi secura professione ; aliter verò facta , etiamsi cum hujus favoris expressa renuntiacione , etiam jurata ; sit irrita , & nullus effectus.

Sub hoc, postquam mandasset , ut finito tempore Novitiatuſ, Superiores , Novitios , quos habiles invenerint , ad profitendum admittant , antè Monasterio eos ejicant & declarasset , quod per

hac

hæc sancta Synodus non intendat, aliquid innovare, aut prohibere, quin Religio Clericorum Societatis JESU, juxta piūm eorum institutum, à sancta Sede Apostolica approbatum, Domino, & ejus Ecclesiæ inservire possit: decretum prosequens, subiungit: Sed neg, ante professionem, excepto viatu, & vestitu Novitiū, vel Novitiæ illius temporis, quo in probatisme est, quocunq; prætextu, à parentibus, vel propinquis, aut curatoribus ejus Monasterio aliquid ex bonis ejusdem tribuatur, ne hac occasione discedere nequeat, quod totam, vel majorem partem substantiæ sua Monasterium possideat, nec facile, si discesserit, id recuperare possit: quin potius præcipit sancta Synodus sub anathematis pœna dantibus, & recipientibus, ne hoc ullo modo fiat, & ut abeuntibus ante professionem omnia restituantur, quæ sua erant, quod ut rectè fiat, Episcopus etiam per censuras Ecclesiasticas, si opus fuerit, compellat.

²⁷²⁰ Pro explicatione hujus decreti not. 1. in eo sermonem esse de renuntiatione bonorum temporalium, qua irrevocabiliter cacedant, seu transferant in aliū, etiam professione non securā; ita Sanchez l.7. moralium, c.5. à n. 13. quamvis per textum Concilii videatur sufficere, quod non nisi difficulter donata recipere. Unde non prohibentur condere testamenta, vel donationes causā mortis, semper revocabiles ante mortem, etiam à tempore Novitiatus. Not. 2. Novitos, posse validē, ac licite profiteri Religionem, nullā etiam renuntiatione, vel dispositione prius facta super bonis suis temporalibus; nullo enim iure talis professio vel irrita, vel illicita declaratur, aut dicitur; ubi tamen nota, quod in ejusmodi eventu in ea succedant hæredes ejus ab intestato, si professus est Religionem incapacem etiam in communī habere bona temporalia; secūs autem si capacem, ut diximus supra; quibus prænotatis:

²⁷²¹ Quæstio. 1. est, an attento illo decreto Tridentini valerer donatio facta ante religionis ingressum, nullo intuitu religionis capessendæ? 2. si intuitu talis ingressus? 3. an valeat renuntiatio, vel donatio Novitiū, etiam completate professioni necessariā, sed ante

duos menses, proximè præcedentes professionem, facta sine licentia Episcopi, vel ejus Vicarii? 4. an valeat talis donatio facta sub conditione securæ professionis, secūs non habitura effectum? 5. qui actus propriè veniant sub nomine renuntiationis prohibita hoc decreto?

Ad 1. præmittendum est, hoc decretum annullare omnem renuntiationem, vel obligationem Novitiorum, etiam juratam, vel in favorem cuiuscunq; cause piæ factam, vel suscepitam sine his conditionibus. 1. si fiat sine licentia Episcopi, vel ejus Vicarii; 2. si non fiat intra duos menses proximos ante professionem, ut aperte constat ex textu; expressè enim dicit, nulla renuntiatio, vel obligatio antea facta valeat; cuius ratio videtur potissima, ne per hoc, si Novitus à Religionis Tyrocinio discedere vellet, id propterea illi difficultius reddatur, quod majorem partem substantiæ sua jam Monasterium, vel alii possident, & difficultius recuperet, si exeat, adeoque non plena libertate profiteretur, ut colligi potest ex verbis decreti supr. in n. 2719. quo posito: ad 1. talem alienationem non comprehendit sub hoc decreto, quod solum respicit casum ingressus, ne ingresso per eumodi bonorum alienationem difficultior egressus reddatur.

Ad 2. q. talem donationem, quam quis facit ante ingressum Religionis, non facturus, nisi ingredere Religionem, comprehendit sub hoc decreto; ita tenent Molina de jure, & just. D. 139. & 149. Parisius de resign. benefic. l.3. q. 13. n. 9. Azor p.1. l.13. c. 9. q. 2. Lessius l.2. c. 41. à n. 39. & alii; & 1. quidem, si fiat pure, ingressu scilicet non habentem causæ, nisi impulsivæ; sic enim foret irrevocabilis; 2. esto haberet vim causa finalis, & motiva, consequenter non securā professione revocari posset, tanquam datum ob causam causā non securā; quia difficultorem reddideret egressum.

Dices cum alius oppositum probabit, litter tenentibus apud Barbosam in dict. c. 16. n. 18. illa verba: nulla renuntiatio antea facta valeat, sine solennitate ibi præscripta, intelligi de renuntiatione facta

facta post ingressum Religionis & non autem de facta ante ingressum, ac proinde secularem ante habitus susceptionem, & Novitatus ingressum, posse etiam in iuitu ejusdem ingressus validè de suis bonis disponere, illa renuntiando, donando, seu obligando, absque solennitate in hoc decreto perita; sed & negando illam expositionem, vel distinguendo, & admitto Coneilium loqui de renuntiatione facta post ingressum; sed non unicè; cum enim dicat, nulla renuntiatio antea f. ita valeat, & deinde causam reddat, quid exinde, si valeret, difficilior illi (cui liberum esse vult egressum ex Religione ante professionem) reddatur egressus, & propter hoc ejusmodi renuntiations annullet, Ly antea facta, potius appellat supra quamlibet renuntiationem, quæ sit causâ ingressus in Religionem.

2725 Ad 3. 12. negativè; nam vi ejus decreti, nulla donatio, vel renuntiatio ingredientis religionem valet (in quaunque tunc atate sit donans, aut renuntians) quæ sit ante duos menses professioni proximos sine licentia Episcopi, vel ejus Vicarii; ita Sanchez l.7. Decal. c.5. n.17. qui etiam ibidem negat, valere renuntiationem factam sub condicione securitate professionis; quia licet ea non securâ simpliciter corrut talis renuntiatio, condicione nimurum non subsistente; difficilior tamen ei redditur egressus, metu indignationis eorum, quibus per egressum admittit spes purè obtinendi bona, quibus facto egressu carebunt. Nec idem est in ultimis voluntatibus, semper revocabilibus, esto maneat in Religione; cum tamen talis renuntiatio revocetur, solo egressu; ex quo habetur responsio ad 4.

2726 Ad 5. 14. nomine renuntiationis in decreto prohibita venire quamlibet dispositionem inter vivos, quæ in renuntiantem inducit obligationem alteri cedendi aliquid in magna quantitate de bonis suis irrevocabiliter; aut non nisi cum difficultate reddente illi difficiliorum egressum à Religione in eorumdem recuperatione, nisi per talem dispositionem tantundem recipiat, quantum dat de suo; ut sit in permutatione, vel venditione bonorum; adeoque donatio-

nem inter vivos, mutuum factum Monasterio, contractus lacrati, quibus obligetur Novitius; &c. non autem locationis, & similibus tantum redditibus dantib; de quibus plura Sanchez l.7.

c.5. Suarez tom 3. l.5. c.9. & alii, & in

Dixi, in magna quantitate, nam 2727 donationes modicas, vel etiam solutio victus, & vestitus durante Novitatu, videntur non comprehendendi sub illo decreto, prout colligitur ex ejus verbis, ubi: ne hac occasione discedere nequeat, quod totam, vel maiorem partem substantie sua Monasterium possideat, nec faciat, si discesserit, id recuperare possit; & quoniam in codem decreto non prohibentur propinquai dare aliquid Monasterio, nisi ex bonis ejusdem, nimis Novitii, vel religionem ingressuri, non est invalida, vel illicita donatio, quam ejus parentes, vel propinquai de suis, non Novitii bonis, faciunt Monasterio; nec taliter donata, licet à Religione Novitius discedat ante professionem, restitutio obnoxia sunt; cum textus solum velet omnia restituiri, quæ sua erant, nempe Novitii.

Quæstio 6. est. an valeat renuntiatio, qua Novitius in favorem Religionis renuntiat, & cedit hereditatem paternam, vel maternam sine horum consensu, si fiat juxta formam Tridentini, esto ea nondum sit obtenta, sed solum in futurum deferenda? 7. an renuntiatio bonorum secundum formam Concilii facta corrut, si Novitius moriatur, antequam professionem emitat? 8. an talis donatio, vel renuntiatio legitimè facta revocari possit à Novitio, antequam profiteatur? 9. an substitut talis donatio juxta formam Tridentini à Novitio minore facta sine autoritate Curatoris, & decreto Judicis? 10. qualis debeat esse licentia Episcopi? 11. an facultas dandi licentiam possit delegari? 12. an hæc solennitas requisitæ licentiae adhuc sit in usu? 13. an renuntiatio fieri debeat ante ultimum bimestre proxime præcedens professionem? 14. an sufficiat eam fieri etiam finito Novitatu, sed ante professionem? 15. an ad hoc decretum de renuntiationibus Novitorum comprehendat Novitios cuiusvis Religionis?

Kkkk

Ad

Tom. III.

2739 Ad 6. qz. affirmativè, juxta sequentes limitationes; quia talis renuntiatio nullo jure irritatur; quam enim hæreditas nondum obtenta, sed solum in futurum deferenda invalidè cedatur aliqui alteri personæ particulari sine consensu ejus, de cuius hæreditate agitur per hujus mortem confirmata, vel juramento, quo vestiatur, ut dicitur c.2. de pactis; quia præsumitur periculum machinandi alienæ vita insidias; hæc tamen præsumptio locum non habet, ubi cessio fit alicui communitati quæ tali; sic enim non fit singulis; namvis autem, si Collegio Clericorum, vel Regularium, abſit enim (ut ait Anterus Papa scribens ad Episcopos Hispanie, ut habetur II. q.3. c.14.) abſit, ut quidquam ſinistrum de his arbitremur, qui Apostolico gradu succedentes Christi corpus ſacro ore conficiunt, &c.

2730 Circa quod not. ulterius, cum Tridentinum loquatur de renuntiatione imponente Novitio aliquam obligationem, videri sub eo decreto non comprehendere conventionem filii cum parente, in favorem hujus renuntiantis hæreditati paternæ, hoc pacto, ut in recognitionem hujus gratuitæ renuntiationis, si eam facere per Ordinis, quem probat, leges cogitur, teneatur dare aliquam pecunia sumam alicui loco pio; ita censet Layman lib.3. Summa, tract.5. cap.7. quæſ.5. num.14. sic enim Novitius nullam subit obligationem, nisi renuntiationis ex constitutionibus talis Religionis.

2731 Not. 2. quamvis jure legum, ignorans mortem v.g. fororis suæ, è vivis decedens nondum adiā ejus hæreditate, talem hæreditatem non transmittat ad hæredes suos per L.7. C. de jure deliber. quia tamen diſpositio legum in ordine ad causas pias (in his enim solum consideratur jus naturale gentium, & canonicum) non attendit; posse juxta cit. Layman num.13. Novitium, hæreditatem, si quæ ſibi ante mortem, vel professionem obveniret, cedere loco pio, vel Monasterio; & in eventu locum illum pium, vel Monasterium, ejusmodi hæreditatem illi delatam accipere, licet Novitius, eam ſibi eſte delatam ante ſuam mortem, vel professionē ignoraverit.

2732 Ad 7. qz. cum Sanchez l.7. Decal. cap.9. num.25. distinguendum eſte, an quæſtio procedat de bonis (v.g. hæreditate, quæ illi obveniret, ſi viveret decedente illo, de cuius hæreditate agitur) quæ nondum habet, ſed habebet; vel verò de his, quæ ſua ſunt: in hoc cundo caſu, ſi Novitius moriatur ante professionem, vel relicta professione diſcedat à Religione, renuntiationem corrueſt; nam eſto facta ponatur etiam ſervatâ formâ Tridentini, adhuc tamen effectum non habet, nec valida eſt, niſi ſecutâ professione, ut conſtat ex ipſo decreti textu relato ſupr. quod verum eſt, etiam professione ſecutâ, ſed invalida; ita Sanchez cit. cap.5. num.55. nam profeſſio ſecuta intelligi debet cum effectu, nimirum validè; cum nulliter profesſus, & non profesſus in ordine ad redendum vitæ Regulari naturaliter obſtructum paria ſint.

Quoad primam distinctionis partem, dicendum pariter corrueſt tali caſu renuntiationem, v.g. hæreditatis nondum delatae, ac ſine consensu eorum, de quorum hæreditate agitur; renuntiatæ, ſi renuntians prius, quæ hæreditas ſibi delata ſit, moriatur, vel profiteatur, vivis adhuc parentibus, aut iis, de quorum hæreditate agitur; ſic enim nullum adhuc habet jus eorum bonorum (vivensis enim non eſt hæritas L.44. ff. de acquirend. hæredit.) adeoque etiam nihil juris in alium transmittere poeſt. Spes enim ejus obtinendæ eſt in eventum vitæ poſt eorum mortem.

Ad 8. qz. negativè, niſi ſtatuat exire cum effectu; nam implera conditione (ſi ſecuta ſcilicet professione validâ) ei poſto evadit irrevocabilis; pendente autem conditione, niſi velit non profiteri, & à Religione diſcedere, tenetur exspectare conditionis eventum, ut conſtat ex lib.1 tit.5. de condit. appoſitis. Ad 9. qz. affirmativè ex c. de hu.4. de Sepulturis, ubi dicitur, quod, ſi qui ſe ad loca religiosa in ſanitate tranſtulerint, de his, qua locis ipſis conſeruent, cogi non poſſunt aliqui p̄ceptis Ecclesiis impertiri, quia libertum eis eſt tunc bona ſua, non ſolum religiosis, ſed etiam quibuslibet privatis conſeruent perfonis.

Ad 10.

2735 Ad 10. §. cum Sanchez cit. lib. 7.
t. 5. à n. 68. non requiri, quod petatur,
vel detur in scriptis; & dari non posse,
nisi ab Episcopo, vel eius Vicario; pri-
mi enim nulla mentio fit in textu; se-
cundi autem fit expressa mentio sic, ut
si fecus fiat, renuntiatio nulla fit. No-
mine Episcopi autem veniunt etiam alii
habentes jurisdictionem quasi Episcopale
in suo territorio nulli alteri subjecti,
ut alibi diximus. Unde non sufficit in
hoc casu licentia Superioris Regularis,
etiam exempti; quia in hoc casu non ad-
ditur: *vel alterius Superioris*, prout addi-
tur, pro facultate ingrediendi Monaste-
ria Monialium c. 5. Sess. 25.

2736 Ad 11. §. affirmativè, cum hæc fa-
cultas sit annexa dignitati, non perfon-
æ; ita Sanchez cit. n. 73. Ad 12. §. in
quibusdam Religionibus non esse in usu,
ut testatur Sanchez cit. n. 25. & Rodri-
quez tom. 2. qq. Regular. q. 48. a. 14.
ad 13. §. negativè ex dict. cum sufficiat
eam fieri intra tempus probationis, vel
cæ etiam finita ante professionem, etiam
ultimæ horæ, ex quo etiam constat ad
14. cum textus solum petat non fieri
*ante bimestre proximè antecedens profes-
sionem*. Ad 15. §. quod non, ex seqq.

ARTICULUS IV.

De professione Religiosa.

2737 Professio Religiosa generaliter acce-
pta, ut notat Pereyra in Elucidario
n. 1358. apud Theologos, & Canonistas
est sponsio, & promissio, Deo facta per
tria vota paupertatis, castitatis, & obe-
dientiæ, in Religione approbata; hæc
duplex est, nimurum expressa, & tacita,
seu interpretativa. Expressa est, quæ fit
in manibus accipientis eam legitimè, &
exprimitur sive verbis, scriptis, aut ore
prolatis, sive nutibus. Tacita est, quæ
non exprimitur, sed continetur in ali-
quo per interpretationem, v. g. in ha-
bitu professorum delato per certum tem-
pus; quibus modis utraque fiat, latè
prosequitur Sanchez l. 5. Decal. c. 3. Azor
tom. I. l. 12. c. 4. & Suarez tom. 3. Relig.
l. 6. à c. 13. Dixi, per vota, sive *solemnia*,
sive *simplicia*, prout fit in Soc. JESU
post biennium Novitiatus; ex quo ha-
betur altera divisio professionis gene-
raliter acceptæ, nimurum in eam, quæ
Tom. III.

fit per illa *tria vota*, sed *solemnia*; & il-
lam, quæ per eadem, sed *simplicia*; &
de hac nihil extat in corpore juris Ca-
nonici; quibus præmissis.

§. 1.

De requisitis ad valorem Professionis Religiosa.

A Nte resolut. Not. 1. professionem
religiosam, & *expressam*, ad valo-
rem spectatâ ejus naturâ, seclusis parti-
cularium Religionum constitutionibus
non exigere, ut determinatè fiat vel vo-
ce, vel scripturâ; sed sufficere consen-
sum etiam nutibus expressum; cum id
nullo jure cautum sit; sic Azor p. 1. l. 12.
c. 4. q. 1. & alii; id, quod etiam colligitur
ex c. *Porrectum* 13. h. t. Cœterum exigi
scripturam causa probationis, colligitur
ex 20. q. 1. c. ult. ubi tamen speciali Reli-
gionis constitutione per Sedem Aposto-
licam approbata per Scripturam fieri de-
bet, tanquam soleñitatem substantialem
(prout habetur in Soc. JESU p. 5. Conſtit.
c. 3. in declarat. lit. A. & notatur à Sanch. in
Decal. l. 5. c. 3. à n. 5.) aliter facta non tenet.

Not. 2. formam professionis *expres-
sim* non esse eandem in omnibus Reli-
gionibus, ut per se constat, & videri
potest apud Suarez cit. l. 6. c. 12. Sanchez,
& alios; in quibusdam enim exprimuntur
omnia tria; in aliis sola obedientia;
vel stabilitas, & conversio morum sec-
undum regulam, &c. Not. 3. non per-
tinere substantia litera ad valorem pro-
fessionis, susceptionem habitus profes-
sorum proprii; nam *habitus non facit
Monachum*, c. *Porrectum* 13. h. t. Not. 4.
professionem *expressam*, quantum est
de jure communi, posse fieri per Procu-
ratorum cum mandato speciali; hoc
enim nullibi reperitur exceptum in ju-
re communi, præteritum cum hoc etiam
admittatur in matrimonio juxta dicta
lib. 4. decretal. à n. 562.

Not. 5. professionem *expressam*, 2740
quantum est de jure communi, posse
fieri etiam sub conditione non tantum
præsenti, vel præterita, sed etiam fu-
tura contingenter, intellige honesta, &
non contraria substantia professionis, ut
tradit Sanchez cit. l. 5. c. 4. n. 87. ad au-
tem conditione purificata innovari de-
beat consensus, & præstari purè? vel
ad valorem sufficiat consensus prior

Kkkk 2 cum